

Ներկա հոդվածում նկարագրված են այդ գրքերից 30-ը, որոնք բոլորովին չկան մեր մատենագիտական աշխատություններում² և որոնց պարունակած փաստական նյութը դուրս է մնացել հայ հին տպագրությանը նվիրված աշխատություններից³:

Հայտնաբերված հնատիպ գրքերի մեջ կան Ոսկան Երևանցու և նրա աշակերտների, ինչպես և Վանանդեցիների տպագրությունները (17-րդ դար և 18-ի սկիզբը, Ամստերդամ, Մարսել, Լիվոռնո), Կոստանդնուպոլսի տպագրիչներից՝ Աստվածատրյան, Սարգսյան, Պետրոսյան և այլ տպագրություններ, ինչպես և Ռուսաստանի ու Հնդկաստանի տպարաններից դուրս եկած հնատիպ գրքեր: Նկարագրված գրքերը իրենց գոյության փաստով, հիշատակարաններում ու անվանաթերթերում պարունակած տեղեկություններով մի շարք հետաքրքրական ճշտումներ ու լրացումներ են մտցնում հայ հին տպագրության պատմության և մատենագիտության մեջ:

Ստորև արվում են այդ գրքերի նկարագրություններն՝ անհրաժեշտ ծանոթություններով⁴:

ՈՍԿԱՆ ԵՐԵՎԱՆՅՈՒԷ, ՆՐԱ ԱՇԱԿԵՐՏՆԵՐԻ ԵՎ ՎԱՆԱՆԳԵՅԻՆԵՐԻ
ՏՊԱԳՐՈՒԹՅՈՒՆՆԵՐԸ

1. ՏՕՆԱՅՈՅՅ: Ամստերդամ, տպ. Ոսկան Երևանցու, 1669, 273 էջ, պատկերներով ու զարդերով: Մատենագարան, № 60, 61, Պատմության թանգարան, № 298:

Անվանաթերթ՝ Տօնացոյց տէրունական տօնից. նաև ամենայն սրբոց բոս պատշաճի ատուրց: Զոր եղևալ է և սահմանեալ սրբոյն Խսահակայ հայրապետի բոս արարողութեանցն հայկազնեայց: Ի Հայրապետութեան Տեառն Յակոբայ Կարողիկոսի Սրբոյ էջմիածնի: Ծախիտ և սրբագրութեամբ Ոսկանայ վարդապետի և Արքի Եպիսկոպոսի Երևանեցոյ: Յամսքէլօտամում: Ի թուոյ Փրկչի 1669:

Ունի հիշատակարան 271—273 էջերում, ուր կարդում ենք «Ես նուսասանձնս բանի սպասաւոր տէր Ոսկան երկրէն արարատու ի քաղաքէն Երևանայ. տեսանելով իմ զպակասութիւն ազգին մերոյ հայկազնեայց ի կողմանէ ամենից գրոց. յաւետ հարկատրաց և կարևորապէս պիտանացուաց. զորս ի բազմաց զսակաս յոգումքք աշխատանօք և յոլովիւք ծախիւք տպագրեցար մինչև

² Խոսքը վերաբերում է հնատիպ գրքերի Գ. Զարբհանալյանի կողմից կազմված երկու ցուցակներին (1883, 1895), նույն հեղինակի «Հայկական մատենագիտությունը» և Ա. Զազիկյանի «Հայկական նոր մատենագիտությունը», ինչպես և սրանց հիման վրա կազմված մի շարք ցանկերին և ուղեցույցներին:

³ Նկատի ունենք նախ Գ. Զարբհանալյանի «Պատմություն հայկական տպագրության» ուսումնասիրությունը, Լևոյի «Հայկական տպագրությունը» և «Հայ գրքի տոնը», Վ. Զարգաշյանի «Հիշատակարանը», Թևոդիկի «Տիպ ու տառը» և Գ. Լևոնյանի «Հայ գիրքը և տպագրության արվեստը» աշխատությունը, ինչպես և մի քանի ուրիշ գրքույկներ ու հոդվածներ:

⁴ Յուրաքանչյուր գրքի անվանման դիմաց նշված է այն գրապահոցը, ուր գտնվում է գիրքը, այսպես՝ Մատենադարան, № 60 կնշանակի, որ գիրքը գտնվում է Մատենադարանի հնատիպերի ֆոնդում 60 համարի տակ, նույնը և՛ Հանրային գրադարան, № 1052 կամ Պատմության թանգարան, № 298:

Նկարագրություններում անվանաթերթերից և հիշատակարաններից բերված հատվածները միջ կհնատումները բացված են, բայց ուղագրությունը և կետադրությունը պահպանված է: